



SLUŽBA ZA REVIZIJU FINANSIJSKOG POSLOVANJA

Na osnovu člana 14. stav 1. Zakona o finansiranju političkih stranaka («Službeni glasnik BiH» broj 22/00) i člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2006. GODINU PENZIONERSKE STRANKE REPUBLIKE SRPSKE

Broj: 09-07-6-1177/07
Sarajevo, 24.04. 2008. godine

SADRŽAJ:

	MIŠLJENJE REVIZORA	3
4	1. UVOD	
	2. PREDSTAVLJANJE POLITIČKE STRANKE	4
	3. OPIS PREGLEDA I KANCELARIJSKE REVIZIJE	5
	Predmet kancelarijske revizije	5
	Cilj kancelarijske revizije.....	5
	Obim kancelarijske revizije	5
5	4. PRETHODNE REVIZIJE.....	
	5. NALAZI KANCELARIJSKE REVIZIJE	5

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled i kancelarijsku reviziju finansijskih izvještaja Penzionerske stranke RS i to: godišnjeg finansijskog izvještaja za 2006. godinu i finansijskog izvještaja za period od dana podnošenja prijave za ovjeru za izbore do dana ovjere rezultata opštih izbora, održanih u oktobru 2006. godine.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i članom 15.10 Izbornog zakona BiH i uspostavljanje efikasnog sistema internih kontrola.

Pregled i kancelarijsku reviziju smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled i kancelarijska revizija su ograničeni na kontrolu godišnjeg i postizbornog finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom terenskom revizijom.

Nakon što je Penzionerska stranka Republike Srpske dobrovoljno otklonila nedostatke u finansijskom izvještaju za 2006. godinu, nismo zapazili ništa značajno što bi ukazalo na finansiranje ove stranke suprotno odredbama Zakona o finansiranju političkih stranaka.

1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled i kancelarijsku reviziju finansijskih izvještaja Penzionerske stranke RS i to: godišnjeg finansijskog izvještaja za 2006. godinu i finansijskog izvještaja za period od dana podnošenja prijave za ovjeru za izbore do dana ovjere rezultata opštih izbora, održanih u oktobru 2006. godine.

Pregled, kontrola i kancelarijska revizija je provedena u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda i kontrole finansijskih izvještaja, broj: 01-07-1267/05, od 05.05.2005. godine.

Zbog činjenice da nije obavljena terenska revizija, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Penzionerska stranka RS je iskazala prihode u iznosu od 74.924,00 KM, čija struktura je data u sljedećoj tabeli:

Red.br.	Vrsta prihoda	Iznos u KM	Učešće u ukupnom prihodu %
1	Članarina	0	0%
2	Prilozi fizičkih lica	9.236	1233%
3	Prilozi pravnih lica	9.772	1304%
4	Prihodi od imovine	0	0%
5	Prihodi od pr.lica	0	0%
6	Prihodi od poklona	2.400	320%
7	Prihodi iz budžeta	53.516	7143%
	Ukupni prihodi:	74.924	10000%

U godišnjem finansijskom izvještaju Penzionerska stranka RS je iskazala ukupne rashode u iznosu 77.792,00 KM.

2. PREDSTAVLJANJE POLITIČKE STRANKE

Naziv političke stranke: Penzionerska stranka Republike Srpske. Skraćeni naziv stranke je PS RS.

Politička stranka je registrovana u Osnovnom sudu u Banjoj Luci, broj Rp-7/97. Posljednje rješenje 07.12.2005. godine.

Sjedište političke stranke je u Banjoj Luci, ulica Grčka 19.

Lice ovlašteno za zastupanje stranke je Ilija Stevančević, predsjednik,

Lice ovlašteno za podnošenje finansijskih izvještaja za 2006. godinu je Mile Lukajić.

Organizacionu strukturu PS RS čine:

- Glavni odbor
- 45 opštinskih odbora.

3. OPIS PREGLEDA I KANCELARIJSKE REVIZIJE

Predmet kancelarijske revizije je godišnji finansijski izvještaj Penzionerske stranke RS za 2006. godinu i finansijski izvještaj za period od dana podnošenja prijave za ovjeru za izbore do dana ovjere rezultata opštih izbora održanih u oktobru 2006. godine.

Cilj kancelarijske revizije je da revizor na bazi finansijskog izvještaja pokuša da ustanovi da li je Penzionerska stranka RS u izvještajnom periodu postupala u skladu sa odredbama Zakona o finansiranju političkih stranaka i odredbama člana 15.10 Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka i da li su troškovi predizborne kampanje u okviru zakonom dozvoljenih .

Obim kancelarijske revizije finansijskih izvještaja Penzionerske stranke RS obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode od poklona, prihode iz budžeta, priloge fizičkih i pravnih lica i troškove predizborne kampanje.

4. PRETHODNE REVIZIJE

Izvršen je pregled godišnjeg finansijskog izvještaja Penzionerske stranke RS za 2005. godinu i izdat izvještaj o pregledu sa mišljenjem revizora, nalazima i preporukom revizije da stranka treba postupati u skladu sa odredbama člana 8. stav 1. i člana 11. stav 3. Zakona o finansiranju političkih stranaka. Izvještaj je stranci dostavljen, nakon što je politička stranka Centralnoj izbornoj komisiji BiH podnijela godišnji finansijski izvještaj za 2006. godinu.

5. NALAZI KANCELARIJSKE REVIZIJE

Na osnovu našeg pregleda, odnosno kancelarijske revizije godišnjeg finansijskog izvještaja za 2006. godinu, nismo zapazili ništa značajno što bi ukazalo na nedostatke u izvještaju ili finansiranju ove stranke suprotno odredbama Zakona o finansiranju političkih stranaka.

Troškovi predizborne kampanje

Penzionerska stranka RS je postupila u skladu sa odredbama člana 15.10 Izbornog zakona BiH, odnosno u svrhu izborne kampanje su potrošili 9.742,00 KM.

Prema odredbama člana 15.10 Izbornog zakona BiH politička stranka za potrebe izborne kampanje ne smije potrošiti više od 0,30 odnosno 0,20 KM¹ po biraču u svakom izbornom krugu, prema broju birača koje je objavila Centralna izborna komisija BiH. Prema podacima Centralne izborne komisije Penzionerska stranka RS je mogla potrošiti 306.117,60 KM.

Komentar:

Penzionerska stranka Republike Srpske je nakon što joj je dostavljen Preliminarni izvještaj o pregledu godišnjeg finansijskog izvještaja za 2006. godinu dobrovoljno otklonila nedostatke u finansijskom izvještaju, te 19.03.2008. godine Centralnoj izbornoj komisiji BiH dostavila ispravljene o pravilno popunjene obrasce godišnjeg finansijskog izvještaja za 2006. godinu.

Hasida Gušić, šef Službe za reviziju

Nevenko Andan, revizor

Anela Burdžović Kapić, pomoćnik revizora

¹ Član 15.10 stav 2. istog člana propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.